

Thomas Lindemann

Programma, Quo ad Exequias Quas ... Dn. Johannes Quistorpius, Theologiae Doctor ... Filiolae suae mellitißimae Angelae paratas cupit, Cives Academici omnium ordinum invitantur

Rostochii: Pedanus, 1628

<http://purl.uni-rostock.de/rosdok/ppn775828238>

Druck Freier  Zugang



Lindeman, Th.,
in
A. Quistorp.
Rostock. 1628.

47

PROGRAMMA,

Quo ad
Exequias

Quas

MAGNIFICUS DN. RECTOR,
Vir Reverendus & Clarissimus

DN. JOHANNES QVISTOR-
PIUS, Theologiae Doctor, Professor,
& Aedis Divae Mariae
Archidiaconus

Filiola sua mellitissima

ANGELÆ

paratas cupit,

Cives Academici omnium ordinum
invitantur.



ROSTOCHII

Joachimus Pedanus excudebat Anno 1628.



PRORECTOR

ACADEMIÆ ROSTO-
CHIENSIS

THOMAS LINDEMAN,
Juris Doctor & Professor.



Trenas ex institu-
to Numæ Pompilij Ro-
manos sibi invicem of-
ferre votivis acclama-
tionibus, novi anni auspi-
cium ipsis Calendis Ja-
nuariis comprecari solitos accepimus:
Ego quoq; vota pia dum animo volvo,
utriq; hujus urbis Reip. auspici-
um novi anni felicissimum voveo;
Ecce præter votum & spem à Magnifico Dn. Recto-
re JOANNE QUISTORPIO *S. S. Theol. Docto-
re, Professore, & ad D. Mariam Archidiacono*
ad nœnias abripior, exequias lugubres
nun-

nunciare jubeor: Janum bifrontē Poë-
tæ fingunt, eoq; nobis exeuntis anni ca-
lamitates, & insequentis pariles revo-
lutiones considerandas esse inculcant.
Quo respicientes Ægyptij anni perio-
dos sub figura Draconis incurvati cau-
dam retromordētis hieroglyphicè de-
notarunt, Eoq; continuos humanæ ca-
lamitatis morsus significarunt. Cujus
imaginem sub ipsum novi anni exordi-
um nobis exhibet, virguncula mellitif-
sima, quæ anº. elapso 1627. 29. Jul. in hęc
lucē edita, sequenti die Ecclesiæ Chri-
sti per sacrum baptismum inferta, no-
men Angelæ (*Engel*) tulit. Patrem ha-
buit virum Rever. & Clariss. Dn. JOAN-
NEM QUISTORPIUM, S. S. Theol. Doct.
ac Professore, templi Mariani Archi-
diaconum: nec non hoc semestri hie-
mali Academiæ Rectorem Magnificū,
cujus in laudes ne hic calamum diffun-
dam,

dam, obstat hinc ejus modestia; inde
mea verecundia. Nam cum ille omnia
in rectâ ponat conscientiâ, plusq; sibi
quam aliis de se credat; onerari se pro-
fecto putabit, si laudes ejus hinc conge-
ram: & alij quoq; minus morum meo-
rum gnari, auribus me conjunctissimi
viri multũ tribuere suspicari poterunt.
Illud tamen quod e laudũ ejus cumulo
ita eminent, ut testes habeat minimos
maximos; commendet tota Academia;
divi verbi precones suspiciant; honora-
tissimi cives passim in ore ferant: mini-
me silentio involvendum est. Candor
nimirũ illius nostri collegæ pectus pe-
culiariter hospicio sibi legisse videtur.
Hinc prompta atq; obvia in omnes bo-
nos voluntas, inde placida in Collegas,
qua Academia qua ministerij mansue-
tudo, atq; unanimis in omnibus officio-
rum partibus conspiratio; hinc deniq;

aurea

aurea morum tranquillitas. Nam qui
moderationis atque humanitatis enco-
mion D. QUISTORPIO derogat illum in-
vidiæ fascino abripi necesse est; cū ni-
hil ex ore ejus gloriosum exeat, nihil
etiam moribus ac vita in istam partem
possit conspici. Avaritiæ & cupiditatis
fordibus ita abhorret, ut ejus benigni-
tatem multi peregrini senserint; ejus
liberalitate multi exules sint recreati,
plurimiq; hujus Civitatis tempore tam
necessario sublevati. Cæterum matrem
BARBARAM DOMANS ob familiæ orna-
menta, morumq; priscam sanctitatem
nemo in hac urbe ignorare potest, quæ
OsnabrugI in Westphalia Dn. STEPHA-
NO DOMANNO Jcto prognata, immatu-
ro quidem fato genitorem amisit; aliū
tamen patrem felici sorte Deiq; indul-
gentiâ invenit. Quippe puellam admo-
dum, vulnere domestico desolatâ, ad-

A 3: opta

optavit filiam patruus, vir Magnificus,
Amplis. Consultis. D. JOANNES DO-
MANNUS, Jctus Hansæ Teutonicæ, hu-
jusq; urbis Syndicus celeberrim⁹, eāq;
in luculēti matrimonij spem, quō jam
potitur, educavit. Talibus sublata pa-
rentibus defuncta puellula ANGELA,
non dubium est, quin ortus sui præstā-
tiam moribus egregiis fuisset repræsen-
tatura, nisi morbus epidemius rapidif-
simi incendij instar per Germaniā lon-
gè latèq; diffusus, vitæ filum incidisset.
Ante octiduum enim varioli tenerum
corpusculum invaserunt, æstusq; præ-
rapidi vehementia tantopere exhauste-
runt, ut ipsam animam expellerent.
Quamvis acerbo excessu suo, parentes
in lacrymas & gemitus collocaverit;
tamen cum pater eam præsentiam ani-
mi, qua ex Dei verbo alios armat, do-
mestico exemplo sit declaratur⁹, quod
matris

matris luctū convenientibus argumen-
tis sit sedaturus, ex ipsius ad me scriptis
literis abundè colligo, utque Deus ipsi
diu hoc animi robur perseveret, opto.
Subducta est ærumnis ejus filiola, quæ
instar diluvij totam Germaniam fatali-
ter inundarunt, reposita est quieti, quã
nullæ turbæ interpellant; restituta est
illi paci, quam ardentissimis votis deva-
stata patria nostra suspirat; delata est in
illum portum, quem nulli Aquilones,
nulla frigoris asperitas, nullum naufra-
gium infamant: Fruitur gaudio, quod
nullum exsilium, nullæ Harpyarū un-
gula, nullum classicum interrumpere
potest: Et quod potissimum puellarū
ætatem capit ac delectat, solidis ac pre-
ciosissimis munusculis in huj⁹ anni au-
spicio ditabitur ac dotabitur. Romani
olim morem à Tatio Sabinorum Rege
instituto æmulantes, Calēdis Januariis

Caryo

Caryotides & mella; nec non stipem, h. e.
signatum nummum boni ominis causa suis
strenæ vice dividebant. Deus ter optimus
maximus totius mundi architectus & Im-
perator, ANGELÆ nostræ animulam per An-
gelos in Abrahamæ sinū arcessivit; ubi ei stre-
nam persolvat, non caryotides, non mella,
sed nectar & ambrosiam æternæ beatitatis;
non nummum vilissimi æris imagine Jani
percursum offerat; sed illum denarium do-
net, quem omnibus vineam suam fideliter
versantibus, per unigenitum suum filium,
Dominum nostrum Jesum Christum distri-
buit. Mœstissimi parentes corpusculi de-
natæ filiolæ suæ exuvias, die hodierno ho-
râ primâ, in templo Mariano inferēt tumu-
lo; Cui ut exequias omnes Academiæ no-
stræ Cives eant, & mortalitatis memoriam
recolant, studiosè monentur atq; rogan-
tur. P. P. 2 Jan. Anno 1628. quem omnibus
Academiæ & urbis civibus Auspicatissi-
mum comprecor.



matris luctū convenienti-
tis sit sedaturus, ex ipsius a-
literis abundè colligo, ut
diu hoc animi robur perfe-
Subducta est ærumnis eju-
instar diluvij totam Germ-
ter inundarunt, reposita e-
nullæ turbæ interpellant;
illi paci, quam ardentissim-
stata patria nostra suspirat
illum portum, quem nul-
nulla frigoris asperitas, nu-
gium infamant: Fruitur g-
nullum exsilium, nullæ H-
gula, nullum classicum in-
potest: Et quod potissim-
ætatem capit ac delectat,
ciosissimis munusculis in-
spicio ditabitur ac dotabit
olim morem à Tatio Sabi-
instituto æmulantes, Cal

men-
riptis
s ipsi
opto.
quæ
atali-
quã
ta est
leva-
est in
ones,
ufra-
quod
i un-
pere
llarū
pre-
i au-
mani
Rege
ariis
Caryo

